

全唐文

卷八百十六之八百十八

張元晏	王瓘	鄭瀆	孟啓	黃璞	楊光	惠寔	邗筠	素循
李浦	薛易簡	魯洵	趙中昉	張為	王景崇	殷盈孫	韋昌明	白鴻儒
莫休符	陳康士	鄭延昌	杜希遁	鄭畧	高彥休	馬支	柳玘	李濬

竹居致慶

竹居雜錄

金唐文
張王鄭孟黃趙老何朱
家味清野理先定萬物
未辨者學既正庭會古
未通者陶乎為景蓋明
未通者陶乎為景蓋明
未通者陶乎為景蓋明

金唐文
卷之六十五

欽定全唐文卷八百十六目錄

袁循

修黃魔神廟記

白鴻儒


莫孝肅公詩集序

李濬

慧山寺家山記

邗筠

佛頂尊勝陀羅尼經幢讚



韋昌明

越井記

柳玘

大唐萬壽寺記

戒子孫

家訓

惠寔

蠡山廟碑記

殷盈孫

誅襄王燼不宜受賀奏

駁三后祔享太廟議

請廢德明等四廟議

修宗廟議

論郊祀內臣朝服疏

馬支

釋大方廣佛新華嚴經論主李長者事迹

...

命朕孫內引陳服

...

...

...

...

欽定全唐文卷八百十六 賀正之靈固禱於有德長必在

袁循

循乾符中官司戶參軍 吳蒼恩霽萬有 天其迺昔以公在

修黃魔神廟記

臨南太府大府其中央曰黃天

咸通末歲今翰林舍人蘭陵公自右史竄黔南秋八月二
十七日泝三峽次秭歸時蜀水方漲橫濤蔽目公積悸而
寢夢神人赤髮碧眸且云險不足懼公異之再寢又夢公
詰其所自則曰我黃魔神居紫極宮之隅將祐助明公出
於北境公曰吾斥去荒徼危殆未已神能惠我何也以朝

夕期幸與我俱遠遊我不忘矣亟言之神許諾自是抵於黔又遷於羅每陟險艱神恍如在洎公遷於朝神夢告歸公曰將移廟列塑於宮之傍丁酉歲公從弟旣自澧陽尹亞西蜀路出祠下以囊金致公意謂前制不專請別修敬太守清河公承命感異親營之心匠旣陳層軒以新神樂來斯靈儀蹲蹲按靈寶經南方有大魔其中央曰黃天魔王橫天膽力謂能力扶昊蒼周覆萬有天其或者以公有宏濟之業將扶危定傾作鎮天步俾黃魔降鑒爲公之兆朕乎噫天爲功必藉於大賢神之靈固輔於有德是必有

鴻猷盛績萃於公之心未可知也循以學官謫秭歸奉太
守命弗敢讓所記乾符丁酉歲仲春九日司戶參軍袁循
記

白鴻儒

鴻儒乾符時人

莫孝肅公詩集序

唐宣宗大中五年龍集辛未設科求賢合天下士對策於
大廷臚傳以莫公宣卿爲第一公字仲節廣南封州人也
所產之鄉曰文德所居之里曰長樂厥考諱曰讓仁雖不

仕亦有隱德蚤年不祿公母梁氏恐公孤立無倚改適繼父亦莫氏諱及芝乃開建籍也公隨母往并而爲昆仲者三長曰莫儔次曰莫羣公年最少乃其季也繼父亦樂善好施歲歉則出粟以周鄰里嘗遣二兄習讀公幼在側天性迥異聞言卽悟甫七歲資識豁然手不釋卷過目輒成誦時人目爲神童入郡庠從遊於梁明甫先生梁母尤嚴於內訓試於有司薦於大廷對揚清問首魁天下初典翰林未服官政後以母老具表陳情乞官外補以便就養上可其奏賜官台州別駕歸省迎母未至官所而尋卒故里

葬之於文德鄉鑼鼓岡咸通九年封州刺史李邦昌上其事於朝欽奉上勅爲唐正奏狀元莫孝肅公祀以廟食表其里居曰文德蠲其賦稅以充丞嘗之需永爲常典公自幼以至登第所撰詞賦詩歌皆操筆立成誦而咏之如真金美玉不落形迹如化工生物不事妝點而生氣宛然如在也及今公族子姓言動氣象猶有公之遺風雖鄉曲五尺童子與夫田野愚夫愚婦皆重公名莫不喜談樂道之凡遊於庠序者罔不賢其賢守其宗祀者莫不親其親得非狀元公神化之所感也耶是請也公之嫡孫莫立之郡

之庠生也述公行實以告且請予為記以垂悠久余無似
叨治公郡恨弗獲覩公而徒慕公也因以為記云時有唐
乾符五年歲在甲午秋仲望日

李濬

濬僖宗時人

慧山寺家山記

金陵之屬郡毗陵南無錫縣有佛寺曰慧山寺濬家山也
貞元元和中先丞相太尉文肅公心寧色養家寓是縣因
肄業於慧山始年十五六至丙戌歲擢第歸寧為朱方強

留之文肅公窺畏常驚切於旦夕之間李庶人以反狀聞
嘗召公草不順章檄公語以君臣父子忠孝誠節別白自
古道理者約千餘言言既勁勇庶人畏敬又逼以狂卒圍
以兵刃促公下筆振叱數四髮皆見怒狀庶人因令閉之
於別所命許縱成之是夜張子良裴行立共義公忠赤果
相與易圖庶人兵敗公以忠節聞於天下新帥李公元素
欲具事表於朝廷公三讓之遂退歸慧山寺僧房猶孜孜
勤經史洎十年手寫書籍前後約五百軸寺山之泉獨稱
奇能發諸茗顏色滋味公僻居舍飲雖崇貴未嘗輒自優

奉惟輦載慧山泉數千里不問其費耗公文學官業功德
濬謹纂敘制詔章表堂狀類列其間不敢輒以文飾表至
敬也爲上下卷今藏史閣我家之盛嘗二爲相三爲史官
高祖中書令諡文憲儀鳳中爲中書令如意中爲鸞臺左
相先公丞相贈太尉諡文肅會昌中爲左僕射門下相儀
鳳在相監修國史會昌在相監修國史乾符四年濬自祕
書省校書郎爲丞相滎陽公獨狀奏入直史館會己亥歲
春有事白相府乞假東出函谷關數千里夏五月癸卯過
家出覩舊刻石詩題別無碑版敘錄懼年祀寢遠不得布

聞於人謹以史筆條敘於寺之正殿內時乾符六年夏五月十六日甲辰書

邢筠

筠乾符時人

佛頂尊勝陀羅尼經幢讚

蓋聞佛力無邊教化各異靜而思之同歸一體至如尊勝陀羅尼經者應佛陀波利之願也原夫起自西天流於東土初從梵本後譯唐言是苦海之津梁實人民之舟楫但有迴向無不蒙益爰有清信士陳宗可等並久親善道早

悟佛乘知聚沫之無堅視芭蕉之速朽故孜孜金地稽首

高僧披露至誠欲結尊勝寶幢之會僧闕二隨順轉闕三

合結無上勝因闕二當是妙乘諸公意無先後遂令藏鏹

金地買石他山召募良士精心礱礪未渝數旬琢磨當就

雕鐫既罷樹立俄成巍巍也勢聳於青霄闕二也形闕一

於碧落莫不睹之罪闕三福生七闕三角之身三塗息泥

犁之苦然後願合會老幼普獲休祥在軍者爵祿咸臻經

求者資財驟聚復願人人增壽攸歸鶴闕一之闕五形闕二

寒林之三秀如斯功德浩汗無涯以百千舌歎不能盡

筠之無德謬忝諸生不揆荒虛畧而為讚讚曰

彼尊勝者起自西天教中之寶法中之先諷之誦之永離

蓋纏二塗未受七字關一休字關一結會歸敬獲福無邊鐫三關

字永保貞堅

韋昌明

昌明嶺南人乾符五年官翰林學士

越井記

南越王趙佗氏昔令龍川時建池於鰲湖之東阻山帶河
四面平曠登山景望惟此為中厥土沃壤草木漸包墾闢